

Kalaallit Nunaannut aamma Kalaallit Nunaannit tunniussineq pillugu inatsisit pillugu siunnersuutip Kalaallit Nunaanni Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut
(Inuussutissarsionermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoq)

Siullermeerneranut oqaaseqaat:

Kalaallit Nunaannut aamma Kalaallit Nunaannit tunniussineq pillugu inatsisissatut siunnersuut pingaarutilittut isigaarput.

Tunniussineq tassaavoq inuk nunamit ataatsimit nunamut allamut oqartussaasunit tunniunneqaraangat, tassani pineqartoq pinerluttulionermut atatillugu pasisaappat, unnerluunneqarsimappat imaluunniit eqqartuunneqarsimappat.

Naleraq sinnerlugu oqaatigissavara, siunnersuut taperseratsigu.

Siunnersuutip pingaaruteqartup ilagaa, malittarisassat pisoqqat ataatsimoortillugit nutarterneqarmata aammalu Kalaallit Nunaanni pissutsinut naleqqussarneqarmata. Tamanna pisariaqartuuvoq, tassami tunniussineq pillugu suliat ersarissumik, sunniuteqarluartumik aammalu inatsisitigut isumannaatsuunermik tunngaveqartumik suliarineqartarnissaat pingaaruteqarmat.

Aammattaaq pitsaasuvoq aalajangiisinnaatitaaneq Inatsiseqarnermut ministereqarfimmit Kalaallit Nunaanni eqqartuussivinnut nuunneqarmat. Tamanna nunatsinni eqqartuussiveqarnerup inissisimaneranik nukittorsaataavoq aammalu inatsisitigut isumannaatsuunermik patajaallisaalluni.

Naleqqamiit aamma pitsaasutut isigaarput, siunnersuummi inuit pisinnaatitaaffii immikkut illersorneqarmata. Assersuutigalugu naalliutsinneqarnissamut, inuppalaanngitsumik pineqarnissamut imaluunniit nunat tamalaat akornanni pisussaaffinnut akerliusumik pisoqarsinnaaneranut tunngasut ersarissumik ilanngunneqarmata, tamanna pingaaruteqarpoq.



Kiisalu pitsaasuvoq, Kalaallit Nunaannut tunniussineq pillugu malittarisassat aamma ilanngunneqarmata. Tamatuma nunatsinni oqartussaasut sulinerannut erseqqinnerusunik tungavigisassaqartitsilissaaq.

Ataatsimut isigalugu siunnersuut pitsaasuvoq aammalu pisariaqarluni.

Taamaattumik Naleraq sinnerlugu siunnersuut taparserparput aammalu inatsisinut ataatsimiititaliamut ingerlateqqinneqarnissaa inassutigalugu.

Qujanaq.